

三水縣志卷之一

星野

附氣候

中星昉于尚書分星始于周禮左氏分星者十二
 辰經星也考明一統志廣州牛女分野邑之分野
 與府同有謂揚州為東南而牛女在天則北方之
 宿母亦星紀在北而光射于南其以吳越當之者
 從星紀之所燭歟在天成象在地成形凡屬
 國家聲教暨訖之區即分星懸象照臨之區時若恒
 若庶徵如響勤民者宜先之以敬天也志星野

三水縣志


卷之一

星野

一

星紀圖

斗牛女



星紀

爾雅星紀斗牽牛也

春秋元命苞牽牛流爲揚州分爲越國

史記天官書牽牛婺女揚州

晉書天文志自南斗十二度至須女七度爲星紀

于辰在丑吳越之分野屬揚州

杜佑通典宋史俱以牛女爲越之分野

明一統志廣州牛女分野

府志廣州牛女分野邑屬廣州分野同

按保章氏以星土辨九州之地所封州域各有

分星以觀妖祥厥後星經散而不可考或以十二州配或以列郡配或以山河兩界配或以七星主九州或以七星主七國或繫以二十八宿或繫以五星其說蓋焚如也卽以粵東分野言之諸家多屬之牛女而各郡或屬牛或屬牛女或從翼軫或帶尾箕廣肇二郡兼屬斗牛女則又以吳之斗引併于越之分矣其說各出然考之古有祇以斗屬越者史紀斗越分元史吳越皆斗又有直以斗牛屬越者淮南以斗牛屬越女屬吳又明洪武永樂間五星兩聚斗牛而陳

獻章出則牛原不遺于越也據熒惑守斗之說而兼以斗牛女爲廣州分野以別于他郡亦可存之備參考焉

粵東自分野而外三台六星以下台屬荆揚熒惑星南方丙丁主吳越南極老人星秋分見于丙丁爲粵東之位天市垣二十二星第二星曰南海第六星曰吳越按此則斗牛女之外又有可紀者歟

附氣候

元史天文志南海出地一十五度夏至日景在表

三水縣志

卷之一

星野

三

南一尺一寸六分晝五十四刻夜四十六刻

通志歲占立春微雨兆有年諺云乾冬溼年禾黍滿

田凡朔日雨主一月多雨每月交二十五日雨主

次月有雨曰隔月雨春霧晴秋霧雨冬霧不寒夏

霧不暑正月八日爲穀日晴爲祥雨爲災五月有

三卯占有年

韓愈詩窮冬或携扇盛暑或重裘

龔茂良詩晴雲欲午常揮扇曉霧生寒欲著綿自是

嶺南多氣候日中常有四時天

李西美攝生論嶺南瀕海地卑土薄陽燠之氣常洩

陰濕之氣常盛

蘇文忠集嶺南氣候不常菊花開時卽重陽涼天佳
月卽中秋不須以日月爲斷也又云四時俱是夏
一雨便成秋又云嶺南萬戶皆春色

通志廣東月令

春正月桃李花盛柔桑可採二麥黃老圃種薑剪韭

田功旣興

二月雷發聲虹蜺見魚苗生蜺降于霧木棉橘柚華
是月也農功畢作

三月溫風至梅子熟柝榔苞坼催耕鳴田蛙鼓吹

三水縣志

卷之一

星野

四

夏四月榴火明榕成蔭紫菱照水樹蘭綴珠白雨以
時至

五月朱荔熟椰含漿蟬大噪鉤割鳴年早禾登場

六月白雨足西潦至颶母乘潮芭蕉垂荔枝早熟是
月也新穀旣登亟播晚種

秋七月秧針碧蒨田浮蝴蝶營繭是月也暑始酷爍

石流金

八月木芙蓉花梨栗熟芋可剝粘始穫河豚乘潮至
九月木犀瘴發紅蓀登白欖落嘉魚出于峽大粘始

穫菊有黃華

冬十月嶺梅開八蠶功畢橘柚垂實潮田盡登是月也霜始下氣乃寒

十一月桃始華冬笋出楓漸丹鷓鴣蔽葉山花時茂畚田布種是月也農斂穀屯囷涸塘以漁

十二月水仙來賓梅乃大放風蘭賀春青陽漸暢草木萌動

三水縣志卷之一

輿地

輿圖
風俗

山川
物產

古蹟
附潮汐

墟市

自古體國經野畫土分疆由畝而夫由夫而屋由屋而井由井而邑邑之名于是乎始自祖龍吞併開阡陌析郡縣又其後或併或分似非古制然量地置邑度地居民猶是司空執度意也三水原割南海高要之半以成邑治控三江而跨五嶺兀然稱雄我

皇上撫御九有天下一家慎固封疆設官分職以資其保障子輿氏云地利不如人和宰斯邑者當加意

三水縣志

卷之一

輿地

一

以善其後乎志輿地

圖說

考周禮大司徒以天下土地之圖用知九州地域廣輪之數職方氏掌天下之圖以掌天下之地志之有圖古重之矣自漢而後志粵者書頗多而以圖聞者則張拙交廣圖一卷王中行廣州圖經二卷然其書已亡今郡縣乘圖實倣其遺意也肆邑北境之山自衡陽支分度庾嶺至韶英而來其西境之山亦自衡陽支分度桂嶺過昭梧而來北接清遠之水西接肇慶之水直抵東南而得崑都山

聳峙又有大路峽婆角以束水勢金洲一山爲中
 流砥柱誠要區也若夫龍坡堯山穹窿秀拔直與
 西樵並峙氣象又增萬千矣東南地連省會衣冠
 之藪西北偏隅舊井疆遼廓今號稱殷庶矣榛莽
 無伏戎之患人民有安集之休蓋輯寧日以盛也
 綜覽形勢計縣總圖一縣坊圖一戎屬鄉圖一捕
 屬鄉圖三胥江司屬鄉圖一三水司屬鄉圖六官
 斯土者按圖知經尙其念諸

三水縣志

卷之一

輿地






東接鹿峒西南界

三水縣志

卷之一

輿地





縣署圖

東園

三水縣志

卷之一

輿地

四



棉黃塘界

西連小洲都界

湖鎮南界

三水縣

北江水從清遠來

瀟澤園

屬壇

廣益倉

城隍廟

學洲

自塔鄉

壇社

廣元

今北

自塔岡

自塔山

江

西

廣

塘

廣

廣

廣



廣


廣

廣

廣

學宮圖





城內五甲

南甲 北甲 東甲 西甲 中甲 小中甲

小南甲 小西甲

縣前街 有市肆曰 縣後街 縣東街 舊名察院街

縣西街 俗名西 學前街 巨縣 學後街 巨縣 南門街

直達 北門街 街南為長 東門街 歷學 西門街 後

學東街 即廟 濠口官路 在城南外右邊達于河旁

改從左邊 繇山川壇 東以收堂水云

井泉

清泉 縣署大 龍鳳井 儒學門左 學前井 夾學前塘

三水縣志

卷之一

輿地

七

南門井 東門井 西門井 長安里井

按風憲分司前 舊有義井今湮

附郭鄉村

新村 東門外 大堍山鄉 城東里許 魁岡鄉 城東

里許東 白堍西村 城西三里許在河清灘 濠口鄉 有竇口

縣治八景

鳳岡梧乳 雁堍瑶簪 浮石春濤 滄江夕照

三溪印月 七曜連雲 崑山聳翠 橫嶺層霞

戎屬在縣治之東去城八里許則為西南等鄉其
 接魁岡界者曰鹿峒其東為西南街舊有巡檢司
 今奉 街舊有二營曰上營曰月桂營西南之南江
 中有洲曰老沙 即動星洲 南對江曰陳涌曰栢木壩曰
 沙木曰蔡坑曰高平曰南岸曰裏頭從老沙而東
 曰沙頭曰走馬裏曰董裏在西南街後者曰岡根
 曰後岡曰橋頭曰埭心曰西坑埭曰逕口曰白沙
 曰基塘曰葛坑曰望岡曰黃竹坑自西南而東下
 曰張邊曰高豐高豐之北曰驛岡驛岡之東曰橫
 涌曰李沙曰下岡曰魯村其地南瀕大江西南市
 鎮商貨輳集諸鄉暮布岡原環繞田苦旱潦東南
 接南海界

三水縣志

卷之一

輿地

八

東接三江界





三水縣志

卷之一

輿地

其山自城隍嶺盤亘而東其有名者曰城隍嶺見名

山曰金帽峯見縣坊曰羅帶山鹿峒村後曰鹿峒山向無路

嘉靖未知縣陶始開鑿曰石頂峯上有古烟壑曰雲秀山西南

曰天柱山和光寺前曰驛岡麓為村曰書院坑西南

書處其水從肆江下者曰西南潭水勢瀦洄滙于磯

曰鹿峒涌在西南之西通大河曰魯村涌在西南之東通大河

有振文各社學詳學校有太尉廟在西南街尾每歲

屬迎春于此乾隆五十年知縣王淦倡修

關帝廟在西南司前馬頭嘉慶十三年建宏廠華

倉帝廟

在西南雲秀山麓嘉慶五年邑訓導楊受傳聯倡惜字社釀金資息雇工撿拾字紙

化焚

眞武廟

華帝廟

北嶽廟

三公廟

俱在西南

洪聖廟

一在南岸一在西南

有報德祠

祀按院王以寧

永賴祠

土人爲總督周嘉謨按院田生

金建

有和光寺

詳雜錄

龍母廟

在沙頭

紫雲壇

在西南街尾相

傳此壇禱極應驗

有不二天坊

爲節婦陳氏建今圯

麒麟石

詳古蹟

西南驛

今裁

西南四景

動星隱釣

藍社絃歌

鹿峒槃耕

和光古刹

三水縣志

卷之一

輿地

十

西南鎮向有東順商人射利私設油榨椎擊震動人物不寧其鄉生員李克孝等于明天啟元年聯呈在縣請禁縣批地脈乃文運所關何物壟斷敢傷其脈而啟從前未有之害耶着七舖地保立刻勒令搬移毋得畱戀七舖處所事遂永禁後人材蔚起安居樂業誠一方之利也



三水縣志

卷之一

輿地

十二

其地三面瀕江山多田少村居暮布田苦旱潦東南接南海界

其山之有名者曰獅子嶺 曰煙管岡 曰石井

岡 曰龜岡 曰紫石岡 曰馬鞍岡

水自西南東下遶三江前者有金雞灘北接蘆包

水與大河會有洲曰鰓魚嘴 有魁星樓 靈王

廟 俱在祿步沙頭 有洪聖廟 一在三江一在祿步沙頭 眞武廟

古鎮廟 俱在三江 張王廟 在雙岡 天后廟 在祿步沙頭

三江舊有書院在鰓魚洲今圯

三江八景

煙岡鍾秀 古竈遺丹 金灘躍鯉 曲水拖藍
神龜挺石 魚嘴浮洲 三江帆錦 紫石榕陰

又捕屬三江之北去城五十里則為楊梅等鄉其連高豐界者曰水流田曰伏護曰墩頭曰錢邊曰隔岡曰隔坑曰區村自區村而東曰艇岡曰下岡曰籐岡曰石頭自伏護而東北曰上湖曰塘村曰塘口曰小塘曰竹脚岡竹脚岡瀕蘆包水其東曰湖尾曰塘悅曰西村曰南村曰沙頭又東曰田屋邊曰錢塘曰斜岡皆瀕蘆包而居其南曰陸坑曰麥坑曰隔湖曰北村曰洞尾曰村心曰東村曰樟木山曰石湖洲曰竹山岡曰李坑曰下馬曰高堂曰南庄其地西北枕蘆包山澤相半人居

依山田苦潦浸

三水縣志

卷之一

輿地

十四

東接三江界



又捕屬去城十里許在縣治之北則木棉黃塘等鄉近城瀕北江者曰木棉其東曰張邊曰蕭邊曰小洞曰白坭圃其東北曰虎眠岡曰五指板曰葉岡曰后岡埭曰先覺園曰橋頭曰麥村曰錢坑曰麥岡曰大鬱頭曰大埭曰岡頭自木棉沿江而北曰橫岡曰湖坑曰岡邊曰員頭曰渦邊曰黃塘曰社濬

沿江而西曰白沙曰古驛

其地北連胥江西瀕江海平洋少山人居碁布田苦旱

三水縣志

卷之一

輿地

十六





三水縣志

卷之一

輿地

十七

其山曰龍嶺 城西三里 曰積飯岡 劉村 曰勒馬岡 南岸

沙曰豐平洲舊曰太平洲 俱北江中 有通津洞 縣西三里

前環大江後接龍嶺諸山 有雀洞 在南岸

水自北江而下東為蘆包水其西稍下為南津水

口

元帝廟 在木棉

北 清



東花縣南海界

南捕屬社

三水縣志

卷之一

輿地

十八

胥江司屬在縣治之北距城五十里則為胥江街
 等鄉胥江巡司在焉舊有胥江驛後裁革瀕北江
 蘆包之隅為胥江街沿北江而上者曰大埭街頭
 曰大塘曰長岡長岡之東曰鹿村曰蓮圯巡司之
 東有華山寺寺東曰莘田又東曰長岐其南曰南
 岸曰沙墩曰石頭岡曰烏石岡曰蔡邊曰歐邊曰
 蟬蛇頭曰剩飯岡曰劉岡曰黃岡曰白土曰清塘
 曰大宜岡曰北鴉岡曰獨樹岡其北曰何嶺岡曰
 竹洲岡曰望岡曰彭岡曰旺子岡曰赤珠岡過北
 江而西與巡司相對者曰新村曰蔣岸曰下湖曰
 古塘曰郭村曰蔣邊其北曰風門凹曰鄧邊又北
 曰樂塘曰硫磺岡過鴨埠水口而北曰梅村曰鹿
 景曰龍塘曰琛亨曰步亨與清遠四會交界
 其地西南瀕江東北多山人居稠密



三水縣志

卷之一

輿地

十九

其山之有名者曰大望山 曰界牌山 曰龍坡

山即華山 曰九十九岡 曰丫髻嶺 曰盧嶺 曰

大潭山 曰羅傘嶺俱詳見名山

北江

水自清遠而下者曰北江江中有龍頭石有禾倉

去數百丈秋冬之間若浮現者 鴨埠水防盜有東

折者曰蘆包水南滸有鳥石潭此滸有

諸山有龜臺山山圍水繞而龜臺

紗帽嶺 黃狗毛嶺 番船嶺界于石燕巖拔地

老鴉岡蔣岸後絕頂上數 象山岡如在老鴉岡北形

墳在烏石岡傳龍潭深數百尺舊竹洲岡因昔賢

幽樓何木岡近樂神仙巖忠烈黃麩洲廟前

詳古仙跡石在龍坡山龍頭石何木岡之旁巋然

黃麩洲相對龍湫天生池見名雞騰圃仙果園詳古

青雲橋華山寺前倫文昌閣增建華金沙井詳古

學士軒詳古湛碧亭詳古舊華巖寺大潭山麓六

錫寺至永廢舊李侯祠胥江李秀實仕元為四會尹

武德將軍元帥李舊玉鏡臺詳古胥江古屯詳古

鴨埠水屯詳古樂塘江詳古龍巖石禾倉石

華山寺詳古真武廟在華山麓始于宋嘉定年間

三水縣志

卷之一

輿地

二十

青蛇鄉人奉為神將奉祀于所生凡事有難明者赴質焉國朝康熙九年一新乾隆五十年一新至嘉慶十三年又為一新右有觀音廟並重修之廟外青雲橋路俱修砌完善河旁築有馬頭立石禹門于其上南海謝太史蘭生撰碑文以志之

關帝廟在巡司後鄉人龍王廟在蔣邊洞距龍潭

國朝乾隆七年創建嘉慶二年重修七年督憲吉題有靈泉普被匾額十年又在廟下建立文塏

洪聖廟在蔣忠烈廟在胥江祀逍遙宮在鴨埠

北城侯廟在蘆大魁樓在龍坡山麓嘉文塏在洲

嘉慶三年建十
九年永漲圮

三水司屬在縣治之西去城五里跨西海之西則

為小洲良岡金利^二甲等鄉瀕北江之西者曰望

樓岡曰灶岡曰青龍岡下籓岡其南曰茶岡圍王

公圍瑞鳳等鄉又南曰三水沙老鴉洲曰角尾沿

西江曰琴沙而上曰青岐曰竹洲曰良坑曰旱塘

曰豐岡曰鄧岡其地兩江環水平洋少山人居稠

密田苦潦浸其山之有名者曰禾亭山在小洲墟正德年間

太守黃公構亭舍于其上勸農遺跡尚存 曰仙人仰睡在竹洲村側

曰青岡在旱塘之西頂有禾婆壇四鄉合祀其上廣平歲稔演釀于其上以誌人和年豐之


樂 曰飛鷺岡在旱塘之北

三水縣志

卷之一

輿地

東木棉河傍界



北接四會

小洲都鄉圖

南接鎮



三水縣志

卷之一

輿地

二十二

良岡鎮 在將軍嶺下嘉靖四十一年知縣陶守訓因盜賊出沒順民情建築土城敦請致仕

教諭鄧國寶董其役其民居半屬高要

水曰青岐水 由西海分派上通四會

曰西江北江 俱見大川

曰橫裏潭 在灶岡圍內水深十餘丈冬涸不能乾

環川橋 在小洲良岡鎮前一洲環帶源出龍井通

文埕 在橫裏潭西嘉慶二十二年灶岡圍諸鄉釀

竹林古寺 詳雜錄

沙曰三水沙 曰老鴉洲 曰灶岡沙 曰琴沙

曰竹洲沙

又三水司屬在縣治之南跨河三里則爲鎮南等鄉三水巡司在焉依崑都之東者曰岡根岡根之東曰潮灣潮灣之南曰上塘曰下坑曰馬鞍岡岡根之西爲巡司巡司之西南曰涌尾其西爲桐油岡爲鄧邊爲松岡松岡之後有蒼江墟松岡之東南曰陳邊曰州頭曰賀洲岡曰上黃山曰下黃山曰大洲曰坑邊曰謝邊曰龍洲其地西北隅瀕江山澤相半人居稠密田頗苦旱其山自崑都迤而東南盤亘數十里其有名者則有曰青岡 曰蒼

岡 曰龍岡 曰起松岡 沙曰雞翼沙 禾地沙

三水縣志

卷之一

輿地

東接彭坑界



尾界



田界

西五頂走水岡界

三水縣志

卷之一

輿地

二十四

水出平田圍

讀書堂

詳古蹟

又三水司屬鎮南之東南去城四十里許則為平田等鄉其接鎮南里瀕肄江之南者曰彭坑曰芹坑曰西頭岡曰平田平田之西曰洲邊曰蜆殼頭曰上下官員洲邊之南曰金竹其東數里有清塘墟地與南海交界

其地多山其田窪下人居布散山溪相隔

其山自崑都諸山連亘至于南海層岡疊嶂其有

名者曰金雞山 曰飛鳳岡 曰放馬洲 上有巨石相傳

有仙跡以 曰鎮岡 何端恪墓 曰排石岡 曰尖

上俱彭坑 曰神仙洞 曰太和山 曰龍趾岡

三水縣志

卷之一

輿地





三水縣志

卷之一

輿地

二十六

山覆鐘岡

日龜岡

俱洲邊鄉

日謝恩岡

高數十仞亭秀羣山之中

下有清泉流達交溪白水塘俱南海交界

日石獅帶

俱在竹林

日鷓鴣岡

日蚊岡

下有

水自鎮南合諸山水而匯流交溪南繇永安竇出

新生雙竇北出大路竇達江

有官員橋

官員

金溪橋

金竹跨交溪水

有石釣臺

交溪東支金竹鄉前

金溪八景

謝恩瑞靄

獅帶晴雲

釣臺夜月

蓮社春風

虹橋綠蔭

石凳清流

排石松濤

環溪竹翠

又三水司屬鎮南之南平田之西去二三十里許
 則爲五頂等鄉其接鎮南松岡界者曰走水岡瀕
 西江而南下曰大路曰海邊曰五頂曰廟邊曰坑
 邊曰上下驪坑曰坑塘曰竹山其南瀕江者曰天
 湖曰黃邊黃邊之東曰周流岡曰周竈曰小塘岡
 曰雲塘曰塘下曰南邊曰中心岡

其地西瀕大江平洋少山人居頗稠田苦潦浸

其山曰大頂岡湖天曰帽子岡湖天曰五頂岡海旁曰將

軍鎮塘下曰飛鵝岡 水在白坭圍者出白坭竇

在平田圍者出大路竇 有塘下橋 飛鵝橋

三水縣志

卷之一

輿地

二十七





三水縣志

卷之一

輿地

許真君廟

在大路墟明崇正十五年奉憲建立並崇祀龍王暨捐貲修竇建廟知縣羅儀

則康公古廟

在小塘岡村之西

天湖八景

碧澗春虹

銀沙曉月

元霍松風

金洲夕照

琳堂古桂

帽子層巒

方塘鏡躍

遠浦漁歌

又三水司屬自五頂而南去城三十五里許則爲
 白坭清塘等鄉其接南邊界者曰上桂瀕江南下
 曰村頭曰白泥曰周石頭曰大濬曰承裏承裏之
 東曰竹塢曰清塘曰文山清塘越交溪而東曰上
 竈曰中竈曰下竈清塘之南曰鄧坑曰周村曰莘
 村曰銀洲清塘西南曰岐山村曰黃岡里

其地西瀕大江接高要界平洋少山人居暮布田
 苦潦浸 其山曰黎逕岡 曰蘇岡 曰洞螺岡

俱白泥 曰金洲山 曰谿陵岡 俱近在承裏
 見名山

曰石頂山 在清塘屹峙于交
 溪傍下有橋

三水縣志

卷之一

輿地

白泥清塘
 諸鄉圖

北至金竹村





三水縣志

卷之一

輿地

三十

山大堯山 舊志曰堯山在清塘詳名山 曰裡水岡 一名馬鞍岡

宣墓在焉 曰象岡 沙曰黎洲沙 曰海心沙 曰大

溶沙

水接鎮南平田遠石頂曰交溪出新生雙竇其白

泥圍水出白泥竇 雲谷丹泉 詳古蹟

石頂橋 清塘跨交溪水又名文橋 鄧坑橋 距石嶺五里 周村橋 近鄧

銀洲橋 去周村里 有文昌廟 在清塘有陸宣記有尙書何維栢讀書處

眞武廟 在清塘 西文閣 在黎洲 東文閣 三帝堂 俱在白泥

三聖堂 在大滘

清塘八景

福圓綠蔭 雲谷丹泉 石頂春流 金洲晚渡

谿陵釣月 大隴耕雲 竹塢清風 堯山秀色

白泥八景

驪溪浣月 洲石垂綸 三濼煙艇 雙渡樵歌

西江帆影 蘇嶺朝暉 榕港觀漁 圓洲競渡

又三水司屬清塘之南去城四十五里則爲龍池等鄉龍池之西北爲雄旗濱大江其東爲關屋南下爲蓬村爲橫石司舊設巡檢今奉裁其下曰橫村雙竇

在焉越竇而東者曰新生村曰石牛岡曰舟里下爲岡頭爲鳳窩旋而東爲大岡爲大裏與南海連界其地西濱大江平洋少山沿海人居稍稠田

窪苦潦其山曰石屋岡危石聳立中有石屋頂上有古牆數堵爲鎮鄉民禦劇賊黃蕭養所築亦呼鎮岡曰大頂岡曰葫蘆龍池俱曰石

仙岡雄旗上有仙人武曰飛鳳岡新生曰龍山岡岡頭曰鳳裏岡鳳窩曰鹿睡岡大岡曰石牛岡

三水縣志

卷之一

輿地

東南海界



按規方制邑爲之里社以區畫之其卽古者六鄉六遂之法乎先王體國經野必取地域輪廣之數而周知之揆遠邇辨媿惡別爲鄉遂以綱維其人民而一其政教故其時之民各安其所而世其業良善相友患難相恤化行俗美由此道也及夫奸僞滋興民生日蹙矣近按甲清編之令行而民用安堵前漢志曰理民之道土著爲先不其然乎

形勢

三水縣治在廣州上游一百五十里之西傍衆水
交會羣峯環拱中開嶂而包原者爲龍鳳岡舊有
白塢村嘉靖五年邑城建焉前臨三江後枕層巒
左控城隍嶺及金帽七星諸岡右屏橫石嶺及將
軍崑都諸峯其北江之水自蘆包口析而東遶縣
治後達于靈洲析而南遶縣治前與西江水合東
流與蘆包水合四面山水包絡舊志謂爲陸海之
國必守之地豈不信然

方域

三水縣志

卷之一

形勢

三十五

三水地當要區山包水絡上承韶雄桂梧建瓚之
勢下控省會新順搯吭之衝東跨靈州至南海官
窯驛界六十里南至南海金甌堡界七十六里西
至高要橫石都界二十四里北至清遠界牌界九
十里東西相距八十四里南北相距一百六十六
里至高要縣一百三十里至清遠縣一百八十里
至廣州省會一百五十里至南京五千六百五十
里達

京師七千八百七十里

山名 山紀之

朱祿岡

城北縣龍入首山

龍鳳岡

城內龍岡即縣署地鳳岡即學宮地

魁岡

城東南形如圓珠舊龜岡後改名魁岡建墟其上文峯秀拔人文蔚起

七星岡

城東四里七山如聯珠

金帽嶺

城東六里許全體石峯卓立雄峙為縣左鎮俗名鐵帽嶺

白塢岡

城西南里許舊有石塢數層縣治既設形家忌焉忽夜雷電擊頽僉謂地靈云又舊有大樹二株為白塢雙陰之景今不存

將軍嶺

城西南對河

鎮縣之東北者曰城隍嶺

三水縣志

卷之一 山

三十六

高出諸山離城五六里為縣治鎮山其下有金帽

嶺其後分一支至南逆轉為七星岡為縣治下關

屏縣之西者曰橫石嶺

隔西北兩江離城七里許秀峯千朶為縣治右屏

其下為將軍嶺有巨石湧出清泉流達大江相傳

有龍躍此故名曰龍井

城北五十五里者曰九十九岡

在胥江

城西北四十五里者曰盧嶺

在胥江對山四會縣界六祖嘗至此下有華巖寺

今圯

城西北四十餘里者曰羅傘嶺

在胥江都高數百丈頂上廣平數十畝登之可盼
白雲羅浮飛來諸峯有瀑布飛流不絕

城西北九十里者曰界牌山

胥江上與清遠交界

城對河三里者曰崑都山

縣治右屏上有斥埃蒼江遶其下卽古三水之鎮
也

城南十里者曰大路峽

在大路鄉兩山對峙爲西北捍門稍上有鯨魚灘
潦甚急行舟者戒焉

三水縣志

卷之一 山

三十七

城南三十里者曰蘇岡

在白坭

城南四十里者曰金洲山

在白上都屹峙西江中流下有婆角灘東南岸爲
谿陵岡瀕西江有大石豎焉曰新婦石

城南四十里者曰大堯山卽堯山嶺南三山之一

在清塘都上有巨人跡其陰當山之半黃牛石下
爲乳泉谷石池漫流四時清冽

城北五十里者曰大望山

在胥江都

城北五十三里者曰龍坡山

在胥江都卽華山也下有地藏寺龍眞堂明增建

文昌閣其上人文蔚起歲久圯嘉慶十八年建大魁樓於山麓又有真武廟廟前金沙井味極清冽前有青雲橋山之東北約二百步有雞騰圃舊傳李仙飛昇餘藥臼于其間鄰雞食之亦上昇故名圃云

城北五十五里者曰大潭山

在胥江都石壁數仞飛瀑如練下注二潭左曰龍湫右曰天生塘方廣二三畝深七八尺居民引水灌田歲旱禱雨多應

川 大川紀之

三水縣志

卷之一 山

三十八

龍鳳澗

在邑城前其上原爲巖自得鄉址

河清灘

在邑治上流西三里許有石磯急灘冬出比目魚甚美

蒼江

在邑治上流西通西北兩江之流老鴉洲龍船沙俱在其西蓋沙洲皆界西二流中也

北江

舊志載北江本湏武二水合流南下蓋未詳考也考韶郡志湏水源出大庾嶺經烏逕人保昌南流至韶城與武水合漢征南粵樓船將軍入湏水卽此又載三瀧水一名武水源出湖廣莽山經臨武入樂昌縣西爲三瀧東流經縣南又八十里經韶城西南與湏水合連州志湏水出中宿南注陽山

合溱水出涯口合湏武二水東南而下北江本湏
武湟三水合流至縣治南與西江水合流並入于
海

蘆包水

在城北四十里北江分流而東者也歷流至三江
鰻魚嘴會肄流之水達于靈洲官窑而下

西江

西江曰灘曰左曰右在粵西爲三至粵東則爲一
考通志載西江水來自鬱水源出牂牁夜郎東流
至鬱林與溫水合又東經蒼梧合灘水封川合臨
賀水高要合四會浦水是西江之水遠矣歷流至
縣西遶橫石其一由大江下通甘竹江門並入于
海其一由思賢濬入縣南東流而下舊志所載亦
未詳晰

綏江

其源出自懷集過廣寧至四會一支分流大沙爲
浦水西與牂牁江合一支至南津口東下與湏武
湟三水會流至肄江經崑都山由大江東下一由
思賢濬西出舊志未載今查補入

肄江

卽古白塢江也由蒼江遶縣治前會西北水下流
至西南鎮分二支其經西南潭者則東行抵三江
靈洲下石門其經老沙洲外者則東行抵黃鼎小
塘荔枝園入紫洞莊步又分一支入西樵

交溪水

縣南之別流者曰交溪水

按天地之氣融結而爲山川山川之氣鍾毓而
爲人物山川者所以橐籥二五之精而化生萬
靈者也故挺生之彥間出之英必歸美焉蓋重
本也肆自開邑以來名賢理學後先接踵不可

三水縣志

卷之一 川

四十

謂非山川靈秀所篤祐也士生其間惟克自振
拔以無負所生則地靈未始不因乎人傑也若
青烏白鶴家言豈急務哉

古蹟

崑都山

古鎮屯有堠斥遺地宋廣州叅謀劉擒僧綦母謹
於此

讀書堂

堂在崑都山麓前明尚書何維栢讀書處也督學
蔣信過其處題有何子讀書堂額

仙蹟石

在華山上其石寬平有仙人足跡俗傳李仙飛昇
畱跡也

三水縣志

卷之一

古蹟

四十一

仙果園

在大潭山上相傳有仙果奇花仙人所植遊人有
緣摘啖則聽欲懷去則迷歸路

金沙井

在華山寺宋僧復菴洗鉢聖井甘香清冽明嘉靖
癸丑中秋水色變赤腥氣逼人三日乃清至九月
大羅山賊發居民被掠

鴨埠水屯

在胥江水自萬山出夏冷冬温故鴨鶩樂聚唐黃
巢覆舟清遠南奔屯此宋狄青西討忠烈成偉徒

步往謁卽此地

樂塘江

近何木岡明永樂高安潛溟爲廣東憲副朝覲經
此洗硯失水中次年還舟泊江側招蛋市鮮見硯
隱隱在沙拾之作詩記焉

玉鏡臺

在胥江明廣東叅政汪廣洋中丞黃衷俱有詩題

咏

雲谷泉

在清塘山上葛稚川洗藥於此亦名葛仙井

三水縣志

卷之一

古蹟

四十二

石屋

在龍池山上唐黃巢所築

浮沉石

在肄江相傳石中舊有寶鴨隨水浮沉後爲外國

貢客鑿去

仙女石

在縣東二里肄江邊按縣之未設也南海駱尹維
舟于此其感興詩聯云絃歌風動一城月文物天
開三水秋又西南童穉先有白堦小廣州之謠逾
年而縣設詩讖童謠兆誠不爽矣出舊志

麒麟石

在南岸陳涌秀起山中峻峯數丈前臨大江上有
仙跡石中有巖深廣數尺相傳祈嗣多驗

黃麋洲

在胥江與何木岡相向舊傳賈舟晚泊見一叟跨
黃麋來往岸如飛拔劔刺之俄不見故以名洲焉
學士軒

在華山寺明天順五年學士黃諫爲廣州判愛山
奇勝常憇是軒畱戀不舍求詩字任意應之及去
住持僧揭扁以表其跡

三水縣志

卷之一

古蹟

四十三

湛碧亭

在胥江昔楊子中居此鑿池爲亭前明南海翰林
典籍孫蕢記

胥江古屯

卽胥江蘆包水口今屯跡尙存按唐大歷十年冬
十一月節度使嗣恭克廣州哥舒冕伏誅嘗軍于
湑口卽此地

講學堂

在利瓊雅瑤山先儒湛甘泉講學處也

坊表

玉蟒交輝坊

爲司禮監麥福都督麥祥建在河旁
今圯

道德文章經綸事業二坊

學左右今圯

仁壽坊

爲百歲李開立在縣內長安里

按肆爲南海高要割建之邑追憶往事苑有昌
華臺有寶月虞翻畱著書之宅包拯傳洗硯之
池不可得而詳矣迄今地雖殊而蹟則一也蹟
雖殊而古則一也賢士大夫高人逸士遊履所
至往往畱題撫拾其畧使覽者低徊畱之而不
能去也後之視今猶今之視昔其可鑑歟

墟市

縣前市

濠口市

康熙二十四年秋八月邑令王永名于官亭之下捐造店房設復墟市以三五九日為期改為官亭墟

西南墟

在西南街以二六九日為期

董棗墟

縣東以二四九日為期

楊梅墟

在楊梅都

祿步墟

以一六日為期今廢

江邊墟

三江舊名古竈墟以二七日為期

通廣門市

三江

三水縣志

卷之一

墟市

企岡墟

以四九日為期今廢

胥江墟

胥江上墟以四九日為期下墟以二七日為期今廢

小洲墟

縣西隔河五里以三五九日為期

江根墟

今廢

蒼江墟

鎮南以一四七日為期今廢

大路墟

五頂以二五八日為期

白泥墟

白泥以一四七日為期

清塘墟

南海界近金竹以三六九日為期

堯山墟

一名鄧坑墟以一四七日為期

龍母墟

利瓊以二五八日為期

龍灣墟

在龍池以三六九日爲期今廢

大塘墟

以一六日爲期

牛欄岡墟

以二七日爲期

街頭墟

以三八日爲期

黃塘墟

以四九日爲期

蔣岸墟

以五十日爲期

祿步沙頭墟

以三八日爲期

寶月堂墟

以二五八日爲期

鵲圍墟

以二七日爲期

圓潭墟

以三八日爲期

三水縣志

卷之一

墟市

四十六

木棉墟

嘉慶十六年開設

按管子設九府輕重之法惡奸商之網利也肆
邑村堡多設墟市西南雄鎮更商賈輻輳帆檣
雲集列肆諸物或乘急而取贏猶未爲害也惟
米食則多倚于西省小不濟私貯者輒飾僞以
居奇如是而民困矣而宿豪巨猾又藉復端箕
歛不飽其食卽罹其毒如是而商亦困商民交
困何以聊生官斯土者所宜畱心耳

風俗

隋書人性輕悍質直任信

元省志地無曠原沃壤刀耕火種最為勤苦

孫蕢廣州歌廣南富貴天下聞四時風景長如春

郡志肆地山包水絡風氣適聚其人舊稱簡樸有

餘儀文不足士務詩書農專畝畝工商各守其業

婦女咸勤紡績薰習以來文禮漸茂至肆江而南

鎮南諸都終崇樸質族黨相尚不事紈綺其北為

西南諸都頗事華飾而樸質之意猶存

歲時

三水縣志

卷之一

風俗

四十七

元旦

祈年賀新

立春

先用日演春色迎土牛東郊觀者以米豆撒牛
用祈豐稔厥明有司率官吏人等鞭春人爭
取其土以歸是日
食春菜飲春酒

上元

自十二日至望日輒張燈放烟花舞獅龍簫
鼓喧鬧遊者達旦

春社

坊里之民各推輪社首烹豚醺酒祭社祈穀
聚而羣飲秋亦如之

清明

折柳插鬻插門上墓挂錢致祭先世其大族
有蒸嘗田者聚族而祭

四月八日

鳴簫鼓起龍舟

端午

解角黍泛蒲艾龍渡競戲好事者插花紅先
者得之謂之奪錦

中元七月望日

孟蘭會各家祭祀其先

中秋

熟芋剝柚弦歌賞月

重陽

泛菊酒登高小孩放紙鳶爲戲

冬至

祀祖致祭

臘月

二十四日爲小年夜祀竈掃屋宇

除夕

易門神桃符爆竹爇炬蒸米爲歲飯盛饌薦先闔室團飲守歲

按司馬志平準人心之升降見焉班氏志地理俗尚之美惡分焉爲之導其源而揚其波節其流而防其潰豈不賴良有司哉雖然上行下效者風也衆心安定者俗也隨風而靡與俗同流者庸衆也知風俗之所趨而確然以道自守不浼於俗而且有以化夫俗者豪傑之士也子輯

三水縣志

卷之一

風俗

四十八

肆志備志風俗將以待輶軒之採矣

物產

穀之屬為稻為粘為糯為糲多麥多黍多稷多黏多

稭多菽多荳

黃白黑三種

多芝蔴

枲之屬為苧布為綿布多青麻多絡麻

蔬之屬為薑為葱為蒜為韭為芹為芥為莧為蕘為

苧蒿為芫荽為菠稜為蘿蔔為蒼蓮多瓠菜

中胡蔓毒

者取其汁可解

多藤菜多芥蘭多薯多芋

蔬之屬為黃瓜為西瓜為冬瓜為絲瓜為苦瓜為甜

瓜為木瓜為土瓜為瓠瓜

種有青白味有淡苦大小不一

多白瓜

多葫蘆多香瓜多金瓜

三水縣志

卷之一

物產

四十九

果之屬為梅為桃為李為梨為柿為榴為栗為橘為

橙為香橙為金橘為柚為柑為楊桃為青欖為烏

欖多荔枝多圓眼多芭蕉多金斗多菱角多蓮子

多樵多蒲萄多枇杷多黃皮子多人面子多落花

生

藥之屬為山藥為益母草為何首烏為車前子為山

梔子為葶麻子為香附子為三賴為陳皮為巴豆

多荊芥多薄荷多紫蘇多乾薑多土茯苓多麥門

冬多石菖蒲多五味子多卷栢多決明

花之屬為桂為蓮為蘭為芙蓉為茉莉為素馨為海

棠爲菊爲山茶爲紫荊爲鷹爪爲鷄冠爲鳳尾爲
紅梅爲含笑爲佛桑爲美人蕉爲百日紅爲夜合
多瑞香多玉簪多剪春羅多玉繡毬多玉樓春

草之屬爲茅爲蒿爲蓼爲鳳尾草爲薯蓣可染布網爲斷

腸草藤生葉似扶留而小頑民有爭輒採服圖賴解用菘豆漿或麴菜汁甘草湯或白鴨血或

人糞攪水灌之俱可多芸多澤蘭多鹿蔥

木之屬爲松爲榕爲槐爲榖爲楠爲栢爲森木爲木
棉多桂多桐多梓多苦棟多烏柏

竹之屬爲黃竹爲綠竹爲刺竹爲班竹爲雞距竹爲

鳳尾竹俗呼觀音竹多蒲竹多筋竹

三水縣志

卷之一

物產

五十

毛之屬爲牛厥種二特爲馬爲羊爲豕爲犬爲猫多

狸多獺

翼之屬爲雞爲鵝禮曰雁爲鴨即野鳥爲鴿種甚多爲烏

鵲爲燕爲鶯曰黃鸝曰倉庚爲鸛即青鸞俗爲鳧

俗名水鴨爲雁爲鴉爲鷹爲鶯鶯爲鷓鴣爲班鳩爲戴

勝多翡翠多杜鵑多鶉多鶻多冠髻多白頭翁

鱗之屬爲鯉爲鯉爲鯉爲坭鰍爲鯽爲鮠爲鮠爲鮠爲鮠
爲鮫爲鱈爲比目魚爲嘉爲鮫爲鮫爲鮫多鱈多鱈多

鳳尾

介之屬有龜有鱉有蚌有螺有蜆

羸之屬有蛙有田雞

生澤中
俗曰蛤

按古者穀帛貨用各有攸司山林川澤爲之屬
禁凡以資天地之產而惠天下之民也肆爲礲
瘠之區紫山之金赤野之玉無有也所產者亦
民生日用服食之恒耳取無窮而用有限茂對
君子有樽節愛養之道焉

附潮汐

潮汐者水溢爲潮水縮爲汐候潮者大較初一十
六二日繇子午時遞推歷三時而長長三時復消
一潮一汐遞周于十二時之內時刻不爽蓋潮汐

三水縣志

卷之一

物產

五十一

隨月爲長消氣之正也肆邑潮水從西南方來者
由新會江門一水由順德甘竹一水同經九江司
直上新生白泥入蒼江與東南潮合從東南方來
者由佛山沙口一水由南海江浦一水同經紫洞
口直上沙頭西南至肄江與西南潮合汐則自上
而下均可遞推也凡潮汐皆至胥江止自胥江以
上潮汐所不及矣